

**VI. ANUNCIOS****A) ADMINISTRACIÓN AUTONÓMICA****CONSELLERÍA DE ECONOMÍA E INDUSTRIA**

*RESOLUCIÓN do 6 de maio de 2026, do Departamento Territorial da Coruña, pola que se concede a autorización administrativa previa e de construción e a declaración de utilidade pública, en concreto, dunha instalación de distribución eléctrica no concello de Oleiros (expediente IN407A 2026/019-1).*

Expediente: IN407A 2026/019-1.

Promotor: UFD Distribución Electricidad, S.A.

Proxecto: Proxecto para LMTS, CTC, RBT rúa Castro de Montrove.

Concello: Oleiros.

Feitos:

1. O día 28.1.2026, a empresa promotora solicitou a autorización administrativa previa, a autorización administrativa de construción e a declaración de utilidade pública da instalación de distribución eléctrica mencionada, co obxecto de mellorar a calidade de subministración de enerxía eléctrica.

Ao abeiro dos artigos 123 e 143 do Real decreto 1955/2000, xunto coa relación de bens e dereitos afectados de necesaria ocupación para a construción da instalación proxectada, presentan o proxecto de execución denominado Proxecto para LMTS, CTC, RBT rúa Castro de Montrove, asinado o día 21.11.2025 por Javier Fernández Pazos, enxeñeiro técnico industrial eléctrico, nº Colexiado 502 de Ourense.

2. O proxecto someteuse ao trámite de información pública mediante un acordo publicado nos seguintes medios:

- Portal de transparencia e Goberno aberto da Consellería de Economía e Industria.
- DOG: 10.3.2026.
- BOP: 20.2.2026.



- Xornal *La Voz de Galicia*: 10.3.2026.

- Taboleiro de anuncios do Concello: con datas do 18.2.2026 e do 21.4.2026 solicitóuse-lle ao Concello de Oleiros a exposición pública do proxecto e a correspondente acreditación de realización dese trámite, sen que conste no expediente a emisión da dita certificación.

3. Durante o período en que o proxecto se someteu ao trámite de información pública non se presentou ningunha alegación, reclamación nin suxestión relacionadas coa documentación obxecto de publicación.

4. Consonte o artigo 127 do Real decreto 1955/2000, do 1 de decembro, solicitóuselles o informe preceptivo ás distintas entidades afectadas: Concello de Oleiros, Consellería de Cultura, Lingua e Xuventude e Consellería de Infraestruturas e Mobilidade.

A empresa promotora manifestou a súa conformidade cos informes emitidos no prazo outorgado para ese efecto.

5. O día 4.5.2026 emitiuse o informe técnico.

Consideracións legais e técnicas:

1. O director territorial é competente para resolver este expediente, ao abeiro do disposto no Decreto 9/2017, do 12 de xaneiro, polo que se establecen os órganos competentes para a resolución dos procedementos de autorización de instalacións eléctricas que sexan competencia da Comunidade Autónoma de Galicia (DOG núm. 22, do 1 de febreiro), e no Decreto 140/2024, do 20 de maio, polo que se establece a estrutura orgánica da Consellería de Economía e Industria (DOG núm. 101, do 27 de maio).

2. Lexislación de aplicación.

- Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro).

- Lei 40/2015, do 1 de outubro, de réxime xurídico do sector público (BOE núm. 236, do 2 de outubro).

- Lei 24/2013, do 26 de decembro, do sector eléctrico (BOE núm. 310, do 27 de decembro).



- Real decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica (BOE núm. 310, do 27 de decembro).

- Real decreto 223/2008, do 15 de febreiro, polo que se aproban o Regulamento sobre condicións técnicas e garantías de seguridade en instalación eléctrica de alta tensión e as súas instrucións técnicas complementarias ITC-LAT 01 a 09 (BOE núm. 68, do 19 de marzo).

- Real decreto 337/2014, do 9 de maio, polo que se aproban o Regulamento sobre condicións técnicas e garantías de seguridade en instalacións eléctricas de alta tensión e as súas instrucións técnicas complementarias ITC-RAT 01 a 23 (BOE núm. 139, do 9 de xuño).

- Real decreto 2563/1982, do 24 de xullo, sobre traspaso de funcións e servizos da Administración do Estado á Comunidade Autónoma de Galicia en materia de industria, enerxía e minas (BOE núm. 246, do 14 de outubro).

- Lei do 16 de decembro de 1954 sobre expropiación forzosa (BOE núm. 351, do 17 de decembro).

Decreto do 26 de abril de 1957 polo que se aproba o Regulamento da Lei de expropiación forzosa (BOE núm. 160, do 20 de xuño).

### 3. Características técnicas.

As instalacións obxecto deste expediente están situadas na rúa Castro de Montrove, no concello de Oleiros, e as súas características técnicas son as seguintes:

- Instalación dun centro de transformación prefabricado compacto telecontrolado 2L+1P de 250 kVA/15 kV con envolvente de formigón manobra exterior no lugar de Castro de Montrove.

- Proxéctase unha liña eléctrica de media tensión, en condutor tipo RHZ1-2OL 12/20 kV 3x(1x240 mm<sup>2</sup>), coa orixe en empalme que se vai realizar en punto de acceso existente da LMT SMC724, entre os centros de transformación denominados Urb. Montrove (15CJP2) e Urb. Toxeiras (15CRX5), realizando entrada e saída no centro de transformación proxectado.



4. Do visto na visita realizada o 4.5.2026 non se encontra ningunha limitación das indicadas no artigo 161.1 do Real decreto 1955/2000 para impor servidumes de paso.

5. No expediente consta un informe favorable dos servizos técnicos deste departamento territorial.

De conformidade con todo o sinalado,

**RESOLVO:**

A) Conceder a autorización administrativa previa, a autorización administrativa de construción e a declaración de utilidade pública da dita instalación de distribución eléctrica.

A declaración de utilidade pública leva implícita a necesidade de ocupación dos bens e de adquisición dos dereitos afectados e implicará a urxente ocupación, para os efectos do artigo 52 da Lei de expropiación forzosa.

B) A instalación executarase no prazo de dous anos, contados a partir do día seguinte ao da publicación desta resolución no *Diario Oficial de Galicia*.

C) Para a posta en funcionamento da instalación autorizada deberá achegar, ante este departamento territorial, unha solicitude á cal xuntará a seguinte documentación:

- As declaracións de conformidade relativas ao material ou equipamento, e as certificacións ou homologacións, se procede.

- Un certificado do/da director/a da montaxe, no cal se garantirá o cumprimento das especificacións do proxecto e das prescricións complementarias, se as houber, así como das regulamentacións e normas axeitadas para a montaxe da instalación e posta a punto.

- Planimetría *as built* da instalación eléctrica en formato *shape*.

D) Esta autorización outórgase sen prexuízo doutras que sexan de aplicación segundo a lexislación vixente, en especial no relativo á ordenación do territorio e ao ambiente.

O incumprimento das condicións e dos requisitos establecidos nesta resolución ou a variación substancial dos presupostos que determinaron o seu outorgamento poderán dar lugar á súa revogación, logo de audiencia ao interesado, segundo o establecido no artigo 53.10 da Lei 24/2013, do 26 de decembro, do sector eléctrico.



Contra esta resolución, que non é definitiva en vía administrativa, poderá interporse recurso de alzada ante a conselleira de Economía e Industria, no prazo dun mes contado a partir do día seguinte ao da notificación ou publicación, segundo o disposto nos artigos 121 e 122 da dita Lei 39/2015, sen prexuízo de que as persoas interesadas poidan interpor calquera outro recurso que consideren axeitado.

Mediante este documento notifícaselles ás persoas interesadas esta resolución, segundo o exixido no artigo 40.1 da Lei 39/2015.

A Coruña, 6 de maio de 2026

Isidoro Martínez Arca  
Director territorial da Coruña

CVE-DOG: twpghzd7-oc10-jc13-on08-m6pwctwdfa91





ANEXO  
Relación de bens e dereitos afectados. Concello de Oleiros

| Nº parcela | Lugar<br>Referencia catastral    | Cultivo    | Titular             | Afección de solo en pleno dominio |       | Afección de solo por servidume de paso de enerxía eléctrica |         |        |         |
|------------|----------------------------------|------------|---------------------|-----------------------------------|-------|-------------------------------------------------------------|---------|--------|---------|
|            |                                  |            |                     | Apoio nº                          | m²    | ml aé.                                                      | ml sot. | m² aé. | m² sot. |
| 1          | O Castro<br>15059A028001680000TW | Matogueira | Antonio López Barro | CT e acceso                       | 30.03 |                                                             |         |        |         |

Abreviacións:

ml aé.: lonxitude da servidume aérea en metros lineais.

ml sot.: lonxitude da servidume soterrada en metros lineais.

m² aé.: superficie de servidume aérea en m².

m² sot.: superficie de servidume soterrada.

